

V. CL.


ELOGIA

ANGLORUM

CAMBDENIANA

Hi Majores Tui sunt, si Te
illis dignum præstes. *Sen.*

By Clem. Barstada.



LONDINI,

Excudebat *T. Warren*, pro *Edmundo Thorn*,

Oxonienſi, 1653.

FLORA

ANGLO-REX

CAMBRIGIA


In Majoribus et Minoribus
his dignis personis



LONDINI

Ex Typographia T. Warton, pro Libraria, Theatro

Operum, 1757



V. C L.

Gulielmi Camdeni Elogia Anglorum.
M. D. LXV.

1676
Thomas Chalonerus, vir clarissimus, patria
 Londinensis, educatione Cantabrigiensis,
 qui tam Musis quam Marti se devoverat. Ju-
 venis sub *Carolo V.* in expeditione *Algeriana*
 meruit, ubi naufragus cum natasset donec vi-
 res & brachia deficerent, tandem rudente
 mordicus apprehensa, non sine dentium ali-
 quot jactura evasit. Regnante *Edvardo VI.*
 in prælio *Musselburgensi* adeo strenue pug-
 navit, ut Dux *Somersetensis* eum equestri
 dignitate ornaverit. Sub *Elizabetha* honori-
 fica legatione ad *Ferdinandum Imp.* & ordi-
 naria in *Hispania* toto fere quadriennio per-
 functus: ubi *De Rep. Anglorum instauranda*
 terso & erudito carmine quinque libros com-
 posuit: dum (ut ille dixit) *hieme in furno,*
aestate in horreo degeret.

M. D.

M. D. LXVII.

Nicolaus Wottonus, utriusq; Juris D. Ecclesię Cant. simulq; Eboracensis Decanus: vir natalibus clarus, sed prudentia domi forisq; longe clarior. Regibus enim Henrico VIII. Eduardo VI. Maria & Elizabetha ab intimis consiliis; ad Imp. Gallia & Hispania Reges, aliosq; principes Novies legatus; ter pacis reconciliatę inter Anglos, Gallos & Scotos delegatus: & ab Henrico VIII. inter XVI. Supremi Testamenti curatores electus,

M. D. LXVIII.

Rogerus Aschamus, Qui in Eboracensi Comitatu natus, & Cantabrigia educatus, inter primos nostrę nationis, literas Latinas & Gręcas, styliq; puritatem cum eloquentię laude excoluit; Elizabetha studiis aliquandiu pręfuit, eidemq; Reginę ab Epistolis erat Latinis; cüm tamen Alca & Aleätryomachia plus nimio oblectaretur, re tenui vixit & obiit, relictis duobus libris elegantissimis ingenii monumentis lingua vernaculá: quorum alterum *Toxophilum*, alterum *Scholarsham* inscripsit.

M. D.

Nicolaus Throckmortonus. Vir magno rerum usu, judicio acerrimo, solertiaq; singulari; qui multa movendo ægre sub *Maria* prudentiâ disertâ vitæ consuluit: Et sub *Elizabetha* indefessâ operâ, multis legationibus magna cum laude defunctus, nisi ad exiguas opes & tenues illas dignitates, licet nomine speciosas, primarii *Pincerna* Angliæ & *Camerarii* Fisci Regii, emergere non poterat, dum *Cecilio* æmulatorem in *Leicestrii* gratiam se objiceret.

M. D. LXXI.

Johannes Juellus, vix quinquagenarius: vir singulari ingenio, exquisita in *Theologicis* eruditione, & summa pietate. Ille honesto loco in agro *Devoniensi* natus, Acad. *Oxon.* in Coll. *Corp. Christi* alumnus laudatissimus, sub *Maria* in Germania exulavit, ab *Elizabetha* ad Episcopatum *Sarisensem* promotus, *Apologiam Ecclesiæ Anglicanæ*, Anno M. D. LXII. edidit: Protestantiumq; doctrinam contra *Tho: Hardingum*, qui ab eadem defecerat, uno & altero volumine doctissime nostra lingua asseruit, quæ Latine conversa extant.

M. D.

M. D. LXXII.

Guilielmus Petrus, Eques Auratus, è san-
ctiori Consilio, & à secretis *Hem VIII.*
Edv. VI. Maria & Elizabetha, Ordinis-
que *Garteria* Cancellarius, multis legationi-
bus cum laude perfunctus: qui ex honesta
familia *Exonia* natus, cum prudentia & do-
ctrina magnas opes collegisset, ad doctrinam
promovendam *Exoniense Coll. in Acad. Oxon.*
in quo educatus, favente *Maria Regina*,
annuis proventibus beneficè adauxit.

M. D. LXXIII.

Joannes Caius, medicus celebris, patria
Normicanfis, educatione *Cantabrigensis*
& *Patavinus*; qui multa *Galeni & Celsi* Lati-
ne convertendo, & plura commentando, assi-
duam operam rei Medicæ, & universas opes
Reip. literariæ contulit, adjungendo Novum
Collegium veteri *Gonwelli Aulæ Cantabrigia*,
XXIII. studiosos perpetuo alendos: unde
Gonwelli & Caii nominibus in unum Colle-
gium coaluerunt, in quo ille tumulatur cum
hac Epigraphe, *Fui Caius.*

M.D.

M. D. LXXVI.

Antonius Cocus septuagenius, vir eque-
stri dignitate, antiqua severitate, &
doctrina multiplici; institutor pueritiæ Regis
Edwardi VI. *fælix filiabus*, quas Græcè &
Latine supra sexum eruditas clarissimis viris
Gulielmo Cecilio, qui Angliæ Thesaurarius,
Nicolao Bacono, magni Sigilli Custodi, *Thoma*
Hobeio, qui legatus in Gallia obiit, *Ra-*
dulfo Rouletto & *Henrico Killegrew* eloca-
verat.

M. D. LXXVII.

Thomas Smithus, alter è Regiis Secreta-
riis: vir ob multiplicem eruditionem &
prudentiam in multis legationibus memoran-
dus. Natus ille parentibus honestis, *Waldena*
à croco denominatæ in *Essexia*, educatus in
Coll. Regina Margareta Cantabrigia; annis
maturior selectus ut in *Italiam* regis impensis
mitteretur (ad nostra enim tempora nonnulli
adolescentes optimæ spei ex utraq; Academia
ad uberiores ingenii cultum Regum sumpti-
bus in exteris regionibus alebantur:) inde
titulo Doctoris *Juris Civilis* auctus rediit:
eamq; apud Ducem Sommerseti *Edwardi VI.*
protectorem gratiam invenit, ut alter à *Ceci-*
lio factus fuerit Regis Secretarius: rei Stan-
naræ Seneschallus; Decanus Carlionensis,
&

& *Atonensis* Coll. præpositus, de quo optime meruit. *Maria* Regina his dignitatibus cum exiit, pensione annua C. librarum ad vitam assignata: ea tamen lege ne Regno excederet. Quamprimum *Elizabetha* sceptro potita, ad Remp. revocatus, adfuit cum Theologis *Liturgia Anglicana* emendandæ: Legationes deinde cum laude obivit. Republicæ literariæ in Angliâ *Lege Annonaria* pro Studiosorum Collegiis, quam primus rogavit, imprimis consuluit: & magis sane quam scriptis, licet reliquerit imperfectum *Opus de Rep. Anglorum*, librum singularem de *Lingua Anglicana Orthographia*, alium de *Græcæ pronuntiatione*, & accuratum de *Resummaria* Commentarium, dignissimum qui lucem aspiciat.

M. D. LXXIX.

Nicolaus Baconus, Magni Sigilli Angliæ Custos. Sub quo nomine, honore & auctoritate *Cancellarii Angliæ* ex *Parlamentario* decreto usus erat. Vir præpinguis, ingenio acerrimo, singulari prudentia, summa eloquentia, tenaci memoria, & Sacri Consilii alterum columen.

Thomas Greshamus, Civis *Londinensis*, mercator Regius, & ex ordine equestri, *Richardi Greshami* ex eodem ordine F. Qui patriæ ornameto & mercatorum usui,
Peristyl-

Peristyllium pulcherrimum (*Excambium Regium Elizabetha* nominavit) Londini extruxit: & ædes, quas in urbe habuit amplissimas, bonarum literarum professioni dicavit; constitutis in iisdem *S. Theologia*, *Juris Civilis*, *Medicina*, *Astronomia*, *Geometria* & *Rhetorica* prælectionibus cum honestis salariis.

M. D. LXXXI.

Edmundus Campianus, è Societate Jesu, accusatus ex lege Majestatis XXV. *Edwards* III. Regina regnoq; perniciem struxisse, &c. capitis damnatus & extremo supplicio affectus. Fuit is *Londinensis*, vir suavis & politissimus, educatione *Oxoniensis*, è Coll. *S. Joannis*, Procuratoris Academiae munere Anno M. D. LXVIII. perfunctus, Protestantium Religionem Diaconus factus simulavit, donec se ex Anglia subduxerit. Scripto proposito, Ministros Ecclesiae Anglicanae ad Disputationis certamen provocavit; & librum *X. Rationum* tersum & politulum ad *Rom.* Ecclesiae doctrinam asserendam Latine edidit. Cui *Whitakerus* solide respondit. Postea ad disputandum productus, expectationem concitatam ægre sustinuit.

M. D.

E*dmundus Grindallus*, Archiepiscopus *Cant.* Metropolitanus & totius Angliæ Primas; cæcus & Sexagenario major. Vir pius & gravis: qui ex exilio sub *Maria* reversus primum *Londinensis* Episcopus, postea *Eboracensis* Archiepiscopus, & tandem *Cantuariensis*, summa apud Reginam gratia diu floruit, donec subdolis artibus omnino excidit; quasi turbulentorum ministrorum conventiculis, & *Prophetiis* (quas vocarunt) favisset: revera, quod *Julii Medici* Itali illicitas cum alterius uxore nuptias, *Leicestrio* frustra obnitente, damnasset. Opes, quas paravit, tenues, ad Scholam apud *S. Bege* in Cumberlandia, ubi natus, fundandam, & bonas literas in utraque Academia promovendas contulit. Ejusque curæ (si rem tantillam memorare liceat) *Tamaricem* Angli debent: quam indurata *Lenis* passionem eximie juvare expertus, primus in Angliam transtulit. Successit *Jo. Whitgiftus* à sede *Wigorniensis* translatus: vir optimus & eruditissimus, qui & *Justitiâ* in *Walliæ* præfectura, & doctrina in *Ecclesiastica* Angliæ politeia propugnanda singularem laudem consecutus: quam fortitudine, prudentia & patientia indies adauxit.

M. D. LXX XVI.

Edmundus Plowdenus. Qui ut in *Juris* Anglici scientia, de qua scriptis bene meruit, facile primus; ita vitæ integritate inter homines suæ professionis nulli secundus.

M. D. LXX XV.

Richardus Caldwellus, à Coll: *Anei nasi* Oxoniæ, Medicinæ D: qui ut de Rep. bene mereretur, (adscito in partem honoris Barone Lumleio) Lectiorem Chirurgicam honesto salario in medicorum Collegio, Londini à Thoma Linacro fundato, instituit.

M. D. LXX XVI.

Philippus Sidneus (prælio ad Zutphaniam confecto) equo perfoſſo, dum alterum ascendit, glanc femur trajectus, XXV. post die, magno ſui deſiderio bonis relicto, in flore ætatis exſpiravit, vix IV. menſes patri ſuperſtes. Cui *Liceſtrius* avunculus in Angliam reverſus exequias magno apparatu & militari ſitu in Templò S. Pauli Londini ſolvit; *Jacobus* Rex Scotorum Epitaphio parentavit; utraq; Academia *Laerymas* conſecravit; & Novum Oxoniæ Collegium elegantiffimum *Peplum* contexuit. Hæc & ampliora viri virtus,

tus, ingenium splendidissimum, eruditio pol-
tissima, moresq; suavissimi meruerunt.

M. D. LXXXVII.

R *Adulfus Sadlerus*, Ducatus *Lancastriae*
Cancellarius: vir magnis & multis Reip.
negotiiis spectatus, & ultimus *Angliae Baneret-*
tus; qua dignitate in praelio *Musselburgenfi*
fuit ornatus.

M. D. LXXXIX.

G *ualterus Mildmainus*. Vir pietate spectata
& prudentia singulari, omnibus boni ciyis,
viriq; boni officiis perfunctus: ab *Henrico*
VIII. Curiae Augmentationum Supervisor
constitutus: ab *Edwardo VI.* Equestri digni-
tate ornatus: & ab *Elizabetha* in Sanctius
Consilium adscitus: Fisci Regii Cancellarius
& Subthesaurarius. Qui ut pietatem & bonas
litteras promoveret *Cantabrigiae*, anno M. D.
LXXXIV. *Emanuelis* Collegium (in quo stu-
diofi *LXII.* sub Praefecto aluntur) extruxit.
In ejus locum suffectus *Joannes Fortescuus*,
vir integer, Graecè Latineq; apprime eruditus.

Laurentius Humfredus, Republicae li-
terariae triste sui desiderium reliquit. *Oxo-*
niensis S. Theologiae D. qui in Germania
regnante *Mario* exul, *Originem* de recta fide
& *Philonem* de Nobilitate à Graeco transtulit:
tres

tres libros *de Nobilitate*, quibus Titulum *opti-*
mates fecit, scripsit. Domum reversus *Mag-*
dalanens. Coll. Oxoniæ (in quo educatus)
 Præses factus, *Regiusq;* S. Theol. *professor*,
 publice multos annos legendo, concionando,
 & plura scribendo Ecclesiæ profuit, laudemq;
 promeruit. Nec tamen aliorem in Ecclesiâ
 dignitatem, quam Decanatum Wintoniensem
 consecutus: fortasse eo quodd *de Adiapharis*
 non juxta cum Ecclesiâ Anglicana senserit.

M. M. XC.

Franciscus *Walsinghamus*, Regina à secre-
 tis, Ducatus Lancastriæ & Ordinis Gar-
 teriani *Cancellarius*. Vir eximie prudens &
 industrius, amplissimis functus legationibus,
 purioris religionis assertor acerrimus, rerum
 occultarum indagator solertissimus; qui ani-
 mos hominum sibi conciliare & ad usus suos
 adungere apprimè calluit: adeo ut sagacitatē
 & officiis Regina expectationem superaret;
 & Pontificii eum tanquam *subdolum* in ne-
 gotiis complicandis, hominibusq; in pericula
 prolektandis artificem sugillarent, dum laten-
 tes in Religionem, patriam, ac Principem
 machinationes solers indagaret: tantis qui-
 dem impensis, ut rem privatam extenuaret,
 & ære publico oppressus tenebris sine funebri
 celebritate ad S. *Pauli* Londini inhumaretur,
 Filiam

Filiam reliquit unicam , quæ primo marito *Phil. Sydacio* filiam , secundo *Roberto Comiti Essex.* filium & filias peperit.

Thomas Randolphus Walsingham intimus. Juvenis Juri Civili operam in æde Christi *Oxonia* dedit , atq; *Aulæ* Late-patenti præfuit , varias deinde Legationes obiit. Multiplicem hanc in patriam & Principem operam Regina munere *Camerarii* in *Fisco* (quod olim dignitatis plenum) Equorum dispositorum sive *Angariorum* præfectura , & aliquot prædiolis remuneravit. Nec ille (etsi plures habuerit liberos) ex continenti cupiditatis moderatione plura concupivit. Atque ex pio animi sensu (quod meminisse forsitan prodest) *Walsinghamum* paullo ante mortem literis , quas vidi ; serio admonuit , *Quam dignum , imo quam necessarium ut ille Secretarii , ipse legati rechinis jam tandem valediceret , uterq; cælestem patriam cogitarent , & pœnitendo divinam misericordiam implorarent .*

Hunc secutus est *Jacobus Croftus* , qui regnante *Edvardo VI.* *Haddingtoniam* in *Scotia* contra Gallos defendit , & *Hiberniam* aliquandiu rexit : sub *Maria* Majestatis damnatus , & absolutus sub *Elizabetha* *Berwico* & limitti orientali præfuit , factusq; *Aulæ* regis *Contrarotulator* , & in *Tractatu Bourburgensi Delegatus* , *Anglica* invidia major , (qua tamen graviter exagitus) in bona apud Principem gratia.

Memoranda

gratia, & integra apud omnes existimatione
consenuit & obiit.

M. D. XCI.

Christophorus Hatconus, obiit ex Diabeta
& animi mærore quod Regina ingentem
pecuniam ex *Decimis* & *primitiis* (quibus
præfuit) collectam, paullo acerbius exege-
rat, quam pro ea, qua apud ipsum floruit,
gratia condonandam speraret. nec hominem
verbo dejectum relevare poterat, quamvis in-
viceret, & consolatione dimiseret. Ille na-
tus à familia magis antiqua, quam opulenta,
in agro Northamptonensi, juvenis & con-
cinna corporis proceritate & oris dignitate
eam apud Reginam acquisivit gratiam, ut in
cohortem quinquaginta nobilium *Stipato-
rum*, & postea ob modestam morum suavi-
tatem in numerum nobilium sacrationis *Ca-
mera* disciverit, satellitibus præfecerit, pro-
camerarium instituerit, in Sanctius Consi-
lium admisisset, demumque Angliæ *Cancella-
riam* constituerit, & ordinis *Georgiani* ho-
nore ornaverit. Vir ingenio pio, summa in
egenos miseratione, eximia in bonarum lite-
rarum studiosos munificentia (unde *Oxonien-
ses* in *Academia Cancellarium* elegerunt) &
qui in gravissimo illo Cancellarii Angliæ mu-
nere

nere perfungendo, recte voluntatis conscientia se sustentare poterat. Iusta illi ad *S. Pauli* Londini honorifice soluta, & magnificum monumentum posuit *Gul. Newpartus* & sorore nepos. quem in *Hattonorum* nomen adoptatum heredem scripserat.

M. D. X C I I.

Chrisrophorus *Wraius*, primarius in Tribunali Regio *Iustitarius*, Jurisprudentiae, integritatis, constantiaeque laudibus venerandus, prole felix, & bene meritis de Collegio *S. Magdalene Cantabrigiae*. Successit in hoc munere *Joannes Pophamus* procurator Regius, vir censoria severitate.

M. D. X C I V.

Guilielmus *Alanus*, vulgo dictus *Cardinalis Anglia*. Natus ille in Comitatu *Lancastrensi* honesta familia, & quae aliquot clariores cognatione complexa. Educatus in Collegio *Orientali* Oxon. ubi *Maria* regnante procurator fuit Academiae, & postea in Ecclesia Eboracensi *Canonicus*. Statim atque Religio in Anglia mutavit, solum vertit *Duaci* in *Flandria* (ubi Academia anno M. D. LXII. incœpta) Theologiam professus, & Canonica-

tu in Ecclesia Cameraensi donatus. *Seminari-
um Duaci* Anglis instituendum curavit, ut
alterum postea *Rhemis* (ubi etiam Canonici-
atum accepit) tertium *Roma* aliaque duo in
Hispania ad conservandam Romanam in An-
glia Religionem, pro cuius zelo & charitatem
in patriam, & officium in principem exiit.
Scripsit Latine *de Eucharistia*, Anglice *Apo-
logiam pro Seminaris*, alteram pro *Catholicis
Anglis*, tertiam pro *Guilielmo Stanleio* (qui
Daventriam Hispanis prodidit) *Admonitio-
nem*, & *librum de Purgatorio*; nec alia
vidi.

Jaanes Piers Archiepiscopus Eboracensis,
Theologus magnus & modestus, qui diu Re-
ginae fuit ab *Eleemosynis*. Successit *Mathaeus
Huttonus* ab Episcopatu Dunelmensi transla-
tus.

M. D. XCV.

Guilielmus Whitakerus, Theologus pietatis
& doctrinae ornamenti, cumulatissimus;
regius Theologiae in Academia Cantabrigiae
XV. annos professor, & Collegio S. *Joannis*
ibidem Praefectus: corpore studiis, attenuato
(cum quaestio, *An Fides vera & justificans
amitti possit*, Theologos ibi exerceret) huma-
no carcere liberatur, magno sui desiderio Aca-

demielis relicto: quibus voce, vita exemplo, & scriptis plurimum profuit.

Rogerus Williams, Eques auratus, omnibus militaris disciplinae muneribus felicissime perfunctus, clarissimis nostri ævi ducibus æquandus, si pugnacis animi ardorem cautiore prudentia temperare nosset. In hoc certe pluribus præcelluit, quod literarum rudis & solum usu edoctus, *Belgicorum Bellorum* (quibus interfuit) *Historiam* erudito iudicio scripsit, & *Artem Militarem* jam receptam contra illam superioris ævi, non sine veteranorum & *Toxophilorum* invidia, libro singulari asseruit. Funeri in templo *Paulino* interfuit *Essexus* atratus & quotquot erant in urbe viri militares.

Alio post funus die *Th. Morganus*, qui *Rogero* cognato morienti adfuit, è vivis etiam exemptus. Ille item *Cambrobritannus*, Eques auratus, & ætate provectior, ex insigni familia *Morganorum de Pencarn* in eodem agro natus. qui bellicis studiis ab ineunte ætate innutritus, magnam laudem ex militari virtute & animi moderatione apud omnes, sed majorem apud *Reginam* ex intemerata fide consequutus, postquam assignationem magnæ pecuniæ sub *Hispani* manu ei factam, ut in suas partes pelliceret, *Reginæ* in manus tradiderat, medico quod ab illa accepit stipendio contentus.

Guilielmus Cecilus, Baro Burghleius, summus Angliæ *Treasurarius*, assidua animi contentione, arthritide & ætate confectus, angoribus se dedit, & datis ad *Reginam* literis, ut Magistratum onera deponeret, majorem in modum obsecravit. illa mox cum subinde invisit, blandissime consolata, sed intra paucos dies, cum satis naturæ, satisq; gloriæ, patriæ, autem non satis vixisset, morte adeo placida Deo animam reddidit, ut *Adversariorum* maximus se nihil illi perinde invidere dixerit, ac ejusmodi mortem in tanta claritudine, cum maximarum rerum administris exitus plerumq; sunt tristiores. Vir sane præstantissimus: quem (ut speciem venerandum & vultum tranquillum taceam) ad honestatem, gravitatem, temperantiam, industriam, & justitiam, hominem *excelsum* finxit natura, & doctrina excoluit. Accessit multiplex & elegans dicendi copia; nec illa affectata, sed plana & facilis: prudentia usu corroborata, & moderatione summa condita, fidesq; spectatissima: sed supra omnia singularis in Deum pietas. Ut semel dicam, Tanto consiliario *Regina* erat felicissima, & salutariibus ejus consiliis *Resp. Anglica* in æternum debebit. Natus in Com. Linc. M. D. XXI, Juvenis

B 3

huma-

humanioribus literis in Coll. S. Joannis Cantabrigiae operam dedit: Juri in Graevensi Londini Collegio aliquantulum incumbit. Ducis Somersetensis Angliae Protectori fuit & *supplicum libellus* (primus omnium, ut ex ipso audiui, qui hoc titulo in Anglia usus.) Morfactus est Regi Edwardo VI. *Secretarius*, & ab eodem dignitate equestra ornatus. *Papillarum praefecturam* (sub Elizabetha) in rem principis & papillarum providere, in suam moderate, & suorum benefice, sine offensione magna cum integritate laude, ut eodem omnia, administravit: adeo ut Regem prudentiam admirata *rerum summam* illi quodammodo commiserit. Potentiam hanc apud principem, & opes, comitabatur procerum quorundam invidia: quam ut dicere solebat magis patientia quam perversa superavit. Prudentia & fide jam XIII. totos annos in maritimis rebus spectata, Regina cum *Bardis Bayliffi* titulo ornavit: summumq; Angliae *Thesaurarium* deinde constituit. Quo ita nunc nec malas artes pecuniam corradendi averatus, ut rem privatam, ita & publicam industria & parsimonia auxit. Egere enim expendi quicquam passus est, nisi ad Regiae Majestatis honorem, Regni defensionem, aut proximorum sublevationem. In *publicanos*, qui portoria exarant, severe, nec tamen rigide iniecit.

inspexit. Ut *Fiscus* tanquam *Lien* incresce-
ret, & cœtera membra intabescerent, jux-
ta ac dicere solitus, nunquam probavit; &
in hoc nervos sane feliciter intendit, ut *Prin-*
ceps & *populus* mutuo discerent. Nihil *Prin-*
cipi *utile* est dictitans, quod non *cum honore*
conjunctum. Unde fundorum redditus augeri
& *veteres colonas* conductoresq; submovendi
noluit, quod etiam in re privata observavit:
quam ea integritate curavit, ut illa *remanere*,
nemo illum in Jure docuerit. Sed in laudes
ire polo, vere tamen dicam, inter pauculos
fuisse, quorum vita & mors cum gloria. Tan-
tum virum, quem alii admiratione, ego tacita
veneratione, ut in sacris olim assolet, prole-

Thomas Stapletonus, S. Theologiae D. &
Suffraganeus, in novo Collegio Oxoniae
educatus, Theologiae & controversiarum in
Acad. *Duacensi* professor ordinarius: (in Bel-
gium enim ex studio Rom. religionis primis
Elia abbatibus annis concesserat) & publice le-
gendo, pluresq; libros scribendo, admodum
inclamavit.

Richardus Cosinus Cantabrigienfis, LL.
Doct. & Decanus de *Arcebus*: qui Ecclesia-
ricam Jurisdictionem propugnando, gravissi-
mae doctrinae & prudentiae eximia laude con-
sequutus.

M

Edmundus

Edmundus Spenser patria Londinensis, *Cantabrigiensis* etiam Academiae alumnus, Musis adeo arridentibus natus, ut omnes Anglicos superioris ævi poetas (ne *Chaucero* quidem concive excepto) superaret. Sed, peculiari Poetis fato, semper cum paupertate conflictatus, etsi *Greio* Hiberniæ proregi fuerit ab Epistolis. Vix enim ibi secessum & scribendi otium nactus, cum à rebellibus & Latibus ejectus & bonis spoliatus in Angliam inops reverius statim expiravit: & *Westmonasterii* prope *Chaucerum* impensis Comitum *Essexia* inhumatus: Poetis funus ducentibus, flebilibus carminibus & calami in tumulum coniectis.

Thomas Bedleus, publicis Reip. curis jam liber, in curam maximis Regibus dignissimam reip. literariae adaugendæ totus incubuit. Cœpit enim restaurare publicam in Acad. Oxon. Bibliothecam ab *Humfredo Duce Glouc.* olim institutam, & temporum iniquitate, regnante *Edwardo VI.* omni libraria supellectile spoliatam. Quam, conquisitis undiq; in studiorum instrumenta lectissimis ex omni genere libris, sua pecunia & collatitia stipe ita instruxit, & moriens donavit; ut illustri æternaq; laude, dum literæ fuerint, inter maximos, & de literis meritißimos, jure optimo sit concelebrandus.

M. D. XCIX.

Richardus Hookerus, ex *Devonia* nobilium ingeniorum feraci oriundus, *Oxonie* in Corporis Christi Coll. educatus: *Theologus* modestia, temperantia, mansuetudine & cæteris virtutibus imitandus, & supra multiplice eruditionis laude celebris. Quam libri *De Ecclesiastica Politiâ* patria lingua editi, dignissimi qui *Latine* loquantur, abunde testentur.

M. DC. I.

Robertus D'Evereux *Essexiæ* Comes. Vir erat virtutibus, quæ quidem nobilissimo dignæ sunt instructus singulis: Genus illi antiquum & prænobile: Juvenis bonarum literarum & veræ pietatis studiis *Cantabrigiæ* inbutitus, à socero *Leicestrio* Regiæ commendatus, & in *Equorum* præfectura instructus: in *Georgianum* Ordinem & Sanctius consilium XXIII. ætatis anno eum adscivit Regina: exercitiis sapiens præfecit (licet eum fortuna sæpe destituerit) honoribus & beneficiis indies cumulavit, plurimiq; estimavit; quod & animi studiis honestis & corpus periculis exercere viderit. Nec ille certe ad *Aulam* factus videbatur: qui ad scelera segnis, ad offensio-

nem

nem accipiendam mollis, ad deponendam difficilis, & sui minime obregens; sed (ut *Cassius* mihi conquelli solitus) *amorem* &odium in fronte semper gellit, nec celare novit. Ut verbo expediam: Nemo gloriam ex virtute magis expetivit, & cetera omnia minus curavit.

Henricus Cassius, vii exquisitissima doctrina, ingenioque acerrimo, sed turbido & torruoso.

M. DC. II.

Alexander Novellus, S. Theologiae D.
& Ecclesiae Sancti Pauli Londini Decanus,
qui sub *Mazae* in Germania ob vici-
tatem Evangelicam exulavit: quam redux
compromissis & modicis scriptis diligentissi-
mo assensu Collegium *Wesmii* Naf Oxoniae
(ubi educatus) annuis doctrinarum libra-
rum reditibus ad XIII. studiosos alendos
adauxit: & toto vitae decursu insigni sancti-
moniae exemplo praeiunxit. Successit *Joannes*
Oversallus S. Theologiae in Academia Cam-
bridgiensi professor undequaque doctissimus,
Petrus Grevilla, *Joannes* doctorum Mace-
dona, & post Regiam commendante.

M. DC. LII.

ELIZABETHA REGINA

Die Martii X X I V Vigilia An-

nunciationis Beate Virginis Ila (quæ nativitatis ejusdem vigilia in lucem edita) e corporis custodiis in æternam patriam evocata placidissime Eucharistia illa ; quam *Augustus* optavit , emigravit : anno Regni XLIV. ætatis LXX. ad quem nullus Rex Angliæ antea pertigerat. Infinitum desiderium , quod Anglis reliquit , lenivit spes optima de Regis *Jacobi* successoris virtutibus concepta. Qui post pauculas horas faustissimis omnium acclamationibus Rex declaratus. Gloriam nulla unquam obruet oblivio. Vivit enim , vivetque in animis hominum apud omnium seculorum posteritatem memoria felicissima : quippe , quæ (ut non aliis quam *Successoris* verbis utar) prudentia & felicitate Imperandi omnes inde usq; ab *Augusto* principes (absit verbo Invidia) superavit.

Forma erat imprimis venusta , & Imperio digna , gravitate modesta , ingenio splendido , animo Regio , memoria felici , & optimarum literarum studio indefesso : adeo ut ante XVII. ætatis annum *Latinam* , *Galliam* , *Italicam* linguam calleret , & *Græ-*
cam

eam mediocriter. Nec *Muscam*, quantum
 Principem deceret, neglexit, ut quæ scite &
 jucunde caneret, psalleretq;: Cum *Rogero*
Aschamo, qui ejus studiis admotus, locos
 communes *Melancthonis*, integrum *Cice-*
ronem, magnam partem *Historiarum Titi Li-*
vii, selectas *Isocratis* Orationes (quarum
 duas in Lat. convertit) *Sophoclis* Trag-
 dias, *Novamq; Test.* Græcè legit : à quibus
 & linguam purissima dictione, & mentem
 apulissima præceptione instruxit; bonisq; lite-
 ris non ad pompam, sed ad vitam & virtu-
 tem ita fuit assidua, ut ad miraculum usq;
 fuerit inter sui seculi Principes erudita.

E I N I S

INDEX

- | | |
|------------------------------|----------------------|
| 1565. T Ho. Chaloner. | 1591. Chr. Hattonus. |
| 1567. N ic. Wotton. | 1592. Chr. Wraius. |
| 1568. Roger Ascham. | |
| 1570. Nic. Throcmorton. | 1594. Gul. Alanus. |
| 1571. Jo. Juellus. | Jo. Piers. |
| 1572. Gu. Petrus. | |
| 1573. Jo. Caius. | 1595. Gul. Whitaker. |
| 1576. Ant. Cocus. | Roger. Williamus. |
| 1577. Tho. Smithus. | Tho. Morganus. |
| 1579. Nicolaus Baconus. | 1598. Gul. Cecilus. |
| Thomas Gresham. | Tho. Stapletonus. |
| 1581. Edm. Campianus. | Rich. Cosinus. |
| 1583. Edm. Grindall. | Edm. Spenserus. |
| 1584. Edm. Plowdenus. | Tho. Bodleius. |
| 1585. Rich. Caldwellus. | |
| 1586. Philippus Sidneius. | 1599. Ric. Hookerus. |
| 1587. Radulf. Sadlerus. | |
| 1589. Gual. Mildmay. | 1601. Rob. Essexius. |
| Laur. Humfredus. | Hemricus Cuffus. |
| 1590. Fr. Walsingham. | 1602. Alex. Nowell. |
| Tho. Randolphus. | |
| Jac. Croftus. | 1603. ELIZ. R. |

